



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel  
Francofurti Ad Moenum, 1690**

Caput XI. Innocent. III. a Archiepiscopis, & aliis Ecclesiarum Prælatis in  
Regno Franciæ constitutis.

---

[urn:nbn:de:hbz:466:1-74544](#)

## CAPUT XI.

Innocent. III. & Archiepiscopis, & alii Ecclesiarum Prelatis in Regno Francie constitutis.

Quām perniciosum sit vitium usurarum, discretionem vestram non credimus. Ignorare, cum præter constitutiones canonicas, quæ in earum odium emanantur, per Prophetam detur intelligi, eos, qui suam dant pecuniam ad usuram, à tabernaculo Domini b repellendos: & tam in c novo, quām in veteri Testamento prohibita sint usuræ; cùm d Veritas ipsa præcipiat: Mutuum date nihil inde sperantes: & per Prophetam dicatur: Usuram, & omnem superabundantiam non accipies. Inde est, quod universitati vestra per Apostolica scripta mandamus, quatenus e manifestos usurarios, eos maximè, quos usuris publicè renunciasse confiterit, cùm aliquis eos convenit de usuris, nullius permittatis appellationis f subterfugio se tueri. Datum Later. v. Kal. Novemb.

## NOTÆ.

- I. a Archiepiscopis.) Ita etiam legitur in tertia collectione, sub hoc tit. cap. i. & in ipsis epistolis Innocentii editis à Sireto, fol. 198. ex quo registro restituo literam hujus textus.

b Repellendos.) Psalmo 14.

c Nuevo, quam in veteri.) Ut probavi in cap. 3. hoc tit.

d Veritas ipsa.) Dominus noster apud Lucam cap. 6.

e Manifestos.) Quinam dicantur manifesti usurarii, expolui in cap. 3. hoc tit.

f Subterfugio.) Quod procedit in appellatione interposita ab usurario, dumtaxat ad vitandam sententia executionem; quia tales appellationes frustratoria, seu ludificationes rejiciuntur; nam si appellatio justam causam haberet, quia exciperet reus, nullas se ab eo, qui petit, usuras exigisse; & cùm satis probatum non fuisset ab auctore, nihilominus damnatus fuit, aut quid simile opponat: appellationis remedium non est denegandum. Unde rectè notavit Binsfeldius in praesenti, in hac parte nihil speciale cautum fuisse circa usurarium. Quod & docuit Gibalinus lib. i. de usur. cap. ii. art. 3.

2.

## CAPUT XII.

Idem a Nabornenſi Archiepiscopo & suffraganeis eius: Abbat. quoque, Prioribus, & alii Eccles. Prelat. Comitibus etiam, & Baron. & univerſo populo in Narbonenſi provincia constitutis.

Pot miserabile Hierosol. regionis excidium, post lachrymabilem stragem populi Christiani, post deplorandam invasionem illius terræ, in qua pedes Christi steterunt, & ubi Deus Rex noster ante secula salutem in medio terra dignatus est operari; post ignominiosam nobis unicæ Crucis translationem, in qua salus mundi pendit, & delevit chirographum mortis antiquæ: Apostolica Sedes super tantæ calamitatis infortunio conturbata laboravit clamans, & plorans. Itaque præ incessanti clamore rauca factæ sunt fauces ejus, & ex vehementi ploratu plenè ipsius oculi defecerunt. Verum ne si secundum Prophetam Hierusalem oblii fuerimus, obliviscatur nos dextera nostra, adhæreat lingua nostra faucibus nostris; si non M. ejus clamat, adhuc Apost. Sedes quasi tuba vocem exaltat, excitare cupiens populos Christianos ad prælium Christi bellandum, & vindicandam injuriam Crucifixi, usq; ipsius verbo dicentis: O vos omnes qui transitis per viam, attendite, & videte si est dolor similis sicut dolor meus. Ecce enim hæreditas nostra verba est ad alienos, domus nostra ad extraneos devenerunt, via Sion lugent, eo quod non sunt qui veniant ad solennitatem, facti sunt inimici ejus in capite; sepulchrum Domini, quod Propheta gloriolum fore prædictit, prophanatum ab impiis, inglorium est effectum. Gloria nostra, de qua dicit Apostolus: Mihi sunt a. g. n. m. e. d. n. i. x. sub manu tenetur hostili, & ipse Dominus Iesus Christus, qui captivitatem nostram pro nobis moriens captivavit, quasi captivatus ab impiis, ab hæreditate sua cogitur exulare. Existente quondam in Castris Acham Domini sabaoth, Urias domum suam ingredi recusavit, alicito etiam uxoris se compescens amplexu. Nunc verò Principes nostri, gloria Isræl

de